



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De Baptismo infanti peste laboranti, suspectouè ministrando. Cap. XIX.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

& ita cōstruata, vt dūm curationis, aut suspicionis causa in illis manēt, regularem modestiam Ecclesiasticamque ordinis sui disciplinam recte seruare possint.

6 Hęc ipsa cura, & cautio adhibebitur, si quando fortasse monialium, in eodem monasterio viuentium, magnum numerum pestis peruaserit.

Sed in earum monasterijs, pestis nomine suspectis, magna ab Episcopo cautio adhibenda erit, nē ex ea occasione intrā septa monasterij aditus sit, sine necessaria causa.

Nec verò extrā clausurę septa, sine suę egrediendi facultas, nisi urgente, necessariaque item causa monialibus permittatur.

Si verò aliquando necessitas efflagitat, vt illę intus visitentur, aut inspiciantur; hoc nē à viris fiat, sed à feminis honestis, curabit Episcopus.

Hoc ipsum itidem seruabit, si quando Monachorum opera, aut alia eiusmodi necessaria erunt.

De Baptismo infanti peste laboranti, suspecto uè ministrando.

Cap. XIX.

SUMMARIUM.

- 1 Baptismus, infantibus peste affectis, uel suspectis, vt ministrandus.
- 2 Liber baptizatorum pestis tempore.

Infans nuper natus, peste laborans, aut eo nomine suspectus, quia à matre, pestifero morbo affecta ortus est, quàm primùm ob instans mortis periculum à Sacerdote, peste laborantium curam gerente, infusionis ritu baptizabitur, alijs statim ceremonijs tunc non adhibitis. Si Sacerdos abest, idem confestim ab alio præstabitur, qui præsens baptizandi formam norit: nec verò compater adhibeatur; aut talis, qualis infans est, compater, aut commater asciscetur, nempe ex morbo laborans, aut ex eadem causę origine suspectus si alij, qui liberi sūt, suspitione cōtagionis deterriti, id munus refugerint.

Postea, si infans superstes erit, quàm primùm ab omni suspitione liber erit, in Ecclesiā Parochialem suam Sacerdoti Parocho offeretur, qui Ecclesię instituto reliquas statas ceremonias ei adhibebit.

Idem in baptismo seruabitur infantum, qui expositi, dubium est, an pestilentia suspecti sint.

Hoc ipsum quoque præstabitur in baptismo infantum, qui non ita

D mani-

manifesto suspecti videntur, quales ij sunt, qui è mulieribus bene valentibus nascuntur; que tamen ex aliqua suspitione vel domi incluse, vel ad loca publicæ curationis perductæ sunt, quoniam vel in loco suspecto fuerunt, vel cum homine suspecto consuetudinem habuerunt.

2 Sacerdotes locorum curationis publicæ, quibus baptismum ministrarint, eorum, & parentum nomina, & reliqua de more in librum certum referant: quem deinceps à pestifera lue purgatum ad archiepis Episcopale ferant. Vniuscuiusque autem, quæ baptizant, baptismum exscriptum proprio etiam eius Parocho tradant: quæ etiam, cum primum inde illi emittuntur, certiore faciant de ceremonijs reliquis, quas non adhibuerint, vt ille in Parochiali Ecclesia ritè suppleat.

Officia Confratrum caritatis, & collectio eleemosynarum, ac distributio. Cap. XX.

S V M M A R I V M.

- 1 Collectio eleemosynarum pestis tempore; & à quibus; & qua ratione faciendæ. 5.
- 2 Capse ad eleemosynas colligendas vbi affigendæ.
- 3 Eleemosynæ distribuendæ modus. 5. Eiusdem distributio Parocho vetita. 6. Et quando permissa. 7.
- 4 Piorum locorum bona non alienanda; nec obliganda.
- 8 Eleemosynarum participes qui sint; quique non.

1



Cholæ caritatis homines Parocho describendis Parochiæ pauperibus operam nauabunt, quos semel diligenter descriptos, sepe generatim recognoscent. Qua in recognitione si quid vel addendum, vel mutandum viderint, id Parocho nunciabunt, qui in descriptionis libro notabit, quod eo in genere opus erit, & Ep̄o etiã referet.

Iidem singulis diebus sedulo pauperes inuisent, eosque præsertim, qui peste tabescunt, suspectiue sunt.

Si quos inuenerint, qui recenter in morbum inciderint, quiuè spiritualis alicuius adiuuamenti indigeat, de ijs eundem Parochum certiore facient. Ipsi verò sollicito studio in id incumbunt, vt quæ ad corporis vsum necessaria sunt, pauperibus, pesteque affectis vndique conquirant.

Vt autem omni ex parte cumulatio caritatis subsidia comparant, cum ad Episcopum, tum ad præfectos regionarios, vicariosuè foraneos, & Parochos perfragium sæpissimè habebunt: quorum etiam auctoritate

ad